

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Menippus sive dialogorum satyricorum centuria
inanitatum nostrativum speculum**

Andreä, Johann Valentin

Cosmopoli [i.e. Straßburg], 1618

63. Haesitatio

[urn:nbn:de:bsz:31-107424](https://nbn-resolving.org/urn:nbn:de:bsz:31-107424)

mum; pro Venere Christianæ charitatis flamma; pro Mercurio sacrorum colloquiorum facundia; pro Luna, hujus instabilis mundi, & tot aduersantium vicissitudinum demissa & silens patientia.

63. HÆSITATIO.

A. Quid est quod te semper video talem, id est nullum, ejus cum sis ætatis, ubi Deo & Reipublicæ seruendum? **B.** Quoniam res omnes sunt difficiliore, quam ut eas quisquam possit eloqui. **A.** Desine iraque homo esse, quibus hæc suprema lex est laborare. **B.** Atqui sunt laboribus sui gradus, sua pondera, quæ dum ex animo & inter se confero tempus effluit. **A.** Ecquid tamen præ reliquis placet? **Theologia?** **B.** Nimum austeritatis habet, nimum periculi. **A.** Iurisprudentia? **B.** Mentiri nescio. **A.** Medicina vero? **B.** Pedet locij. **A.** Philosophia certe? **B.** Metuo phrenesin. **A.** Philologia saltem? **B.** Nates detergeam? **A.** Mechanica fortè? **B.** Esurit. **A.** Agricultura? **B.** Robur deest. **A.** Venatio? **B.** Ferinum est. **A.** Aucupium? **B.** Ludicrum. **A.** Piscatio? **B.** Madefacit. **A.** Musica? **B.** Histrionica est. **A.** Chirurgia? **B.** Fœtet. **A.** Pictura? **B.** Stodios facit. **A.** Metallica? **B.** Fumigant. **A.** Fabrica? **B.** Fuligo displicet. **A.** Moletrina? **B.** Strepitus enecat. **A.** Pistrinum? **B.** Male audit. **A.** Culina? **B.** Apage sordes. **A.** Fullonia? **B.** Non sufficio. **A.** Texturinum? **B.** Physcabiem. **A.** Laniena? **B.** Barbarum est. **A.** Coriaria? **B.** Mori malim. **A.** Surtina?

trina? B. Nares non ferunt. A. Carbonaria? B. Rides me. A. Vitriaria? B. Nimium calet. A. Figlina? B. Inquinat. A. Lateritia. B. Tantundem. A. Lapidicina. B. Supplicium dicis. A. Sartoria? B. Ludibrium. A. Quid de lignarijs fabris videtur? B. Lignei sunt. A. Aut scrinarijs? B. Indurescunt. A. Statuarijs? B. Hemierania infidiatur. A. Victoribus? B. Vinum olent. A. Quid in equite displicet? B. Strigmentum. A. In mercatore? B. Dubia fortuna. A. In nauta? B. Maris rabies. A. In milite? B. Sanguinolentia. A. In typographis? B. Sitis. A. Quid opus est alios producere? nec enim ulla arbor tibi placet, ad quam suspendaris. B. Id est quod dixeram, omnia fastidijs & molestiis plena esse: sine igitur sim, qui sum. A. At sic nec infantem licebat fuisse, quoniam inquinabaris, nec puerum quoniam cadebaris nec iuvenem quoniam fervebas, posthac vero vir esse non audebis, ob domus curas, nec cœlebs vivere, ob varia retia, nec senectutem expectare, ob morborum satellitium. B. Exhorresco quoties in mentem venit, nihil esse sub sole in quo libeat acquiescere. A. Equidem cum omnia tibi sint clementiora, tu unus in te se vis, & tibi es difficillimus. Et cum in singulis habeas quod accuses, non animadvertis illam tuam morositatem esse omnibus illis vitijs deformiorem. Quid enim opus est, cuncti hominum labores te affligant, cū unicus possit tibi tempus occupare, ac, si credere posses, fallere: nam quæ nunc tibi misera videntur, paulo post minus in visa, denique & facilia erunt. B. Dispiciam, quam me in partem

ver-

vertam. A. Elige tu optimum aliquod vitæ genus, quod consuetudo reddet jucundum.

64. E X V L.

A. **O**mnatissime vir, Cum Deus noster ita disposuerit, ut ego quidem in præfens egeam, tu commode ac cum dignitate viuas, non ægre feres abs te aliquod inopiæ subsidium mihi reuenter expetisci, quantum humanitas tibi persuaserit, & fortunarum ratio permiserit; Idque propter communem nostrum Christum, cujus nomen ad vitæ usque periculum, & possessionum jacturam annumeravi; propter patriam eandem, cui corpus hoc qualecunque fideliter exposui; propter literas utriusque familiares, quas apud te intercedere posse sperarim, denique propter humanæ sortis varias vices, quas vel felicissimus extimescit, sic te Deus saluum florentemque esse velit & pro benefactore in membra sua agnoscat, coronetque. B. Dolet equidem, mi vir, bonis male esse, & in solidam condolentiam me vocat quisquis injuriam patitur, quod si ob Christum quis etiam esuriat, is omnino pascendus mihi est, si nihil planè patria communis exigat, aut humanitas persuadeat. Interim non succensebis mihi, si modeste & candidè illius tui exilij testes aliquos requiram, quorum consensu illa tua integritas magis eniteat: nec enim ignorare potes genus aliquod hominum in Deum & bonos passim injurium, quod otio & divagationi suæ, imo & nequitia sanctum Exilij nomen præfigit, & bonorum

rum